

The Digital *Viridarium consolationis* Project

Pars 1: De peccatis Caput 1: De superbia (26)

Isidorus de summo bono:

Ex culpa enim superbie,
plerumque in abhominandam carnis immunditiam itur.
Nam alterum pendet ex altero,
sed sicut per superbiam mentis itur in prostitutionem libidinis,
ita per humilitatem mentis salva fit castitas carnis.
Deus autem numquam deicit occultam mentis superbiam,
nisi per carnis manifestam ruinam.
Libidinis immunditia nascitur de non occulta superbia,
exemplo primi hominis,
qui mox ut per superbiam contra Deum tumuit,
statim carnis libidinem sensit, et pudenda operuit.
Quapropter unusquisque sue deputet culpe quod cecidit,
quotiens libidine vincitur,
quia nisi precessisset latens superbia,
non sequeretur libidinis manifesta ruina.

Multi luxurie subditi sunt,
et contumaci superbia de ipso luxurie opere glorianur;
et inde magis elati sunt, unde humiliari debent.

Ex culpa superbiae
plerumque in abominanda carnis immunditia itur.
Nam alterum pendet ex altero,
sed sicut per superbiam mentis itur in prostitutionem libidinis,
ita per humilitatem mentis salva fit castitas carnis.
Deus autem nonnunquam deicit occultam mentis superbiam
per carnis manifestam ruinam.
Libidinis nasci immunditiam de animi occulta superbia,
exemplo primi hominis,
qui mox per superbiam contra Deum tumuit,
statim carnis libidinem sensit, et pudenda operuit.
Quapropter unusquisque suae deputet culpa quod cecidit,
quotiens libidine vincitur,
quia nisi praecessisset latens superbia,
non sequeretur libidinis manifesta ruina.

Isidorus Hispalensis, *Sententiae*, 2.39.1-2 (CCSL 111,
P. Cazier ed., p.170, ll.2-14).

Multi luxuriae subditi sunt,
et contumaci superbia de ipso luxuriae opere glorianur,
et inde magis elati sunt unde humiliari debuerant.

Isidorus Hispalensis, *Sententiae*, 2.39.6 (CCSL 111,
P. Cazier ed., p.171, ll.36-38).